



Annunzias da baghegiar

All'instanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 61/2022

Niederberger Kaspar, 7172 Rabius; colurar ils barcuns dil baghetg nr. 457 sin parcella nr. 277 a Rabius-Via Cavivens.

Nr. 67/2022

Vischnaunca Sumvitg, 7175 Sumvitg, spazzar il baghetg nr. 639C sin parcella nr. 6017 a Sumvitg-Santiarms.

Nr. 68/2022

Vischnaunca Sumvitg, 7175 Sumvitg; ulivar trassé sin parcella nr. 5140 a Sumvitg-Alp Glivers.

Sumvitg, 17-06-2022

Cumissiuin da baghegiar

Avis dall'administraziun communal

Sur Sontgilcrest resta l'administraziun communal serrada naven da mesjamna, ils 15 da zercladur 2022, allas 17.00 entochen gliendisdis, ils 20 da zercladur 2022 allas 8.00. Bien engraziament per Vossa capientscha.

Sumvitg, 17-06-2022

Administraziun communal

Resultats dalla elecziun communal dils 12-6-2022 (2. scrutini)

Elecziun da gerau

Cedels dai giu:	258
Cedels vits:	3
nunvaleivels:	7
Cedels valeivels:	248
Vuschs valeivlas da candidat:	248
Degonda Meinrad, Rabius	237
singuls	11

Sumvitg, 17-06-2022

Il biro electoral

Sanaziun Via Naustgel

Ils 27 da zercladur 2022 entscheivan las lavurs da construcziun dalla Via Naustgel (tschancun Muletg sut–Alp Naustgel).

Duront il temps da construcziun resta la via per part serrada. Duront quei temps anfleis Vus sin la pagina d'internet www.sumvitg.ch informaziuns davart la serrada dalla via.

Per damondas stat l'administraziun communal bugen a Vossa disposiziun.

Sumvitg, 17-06-2022

Departament forestal

Rabius anavon

Preavis:

Sentupada cun grillada, per in e scadin a Rabius ils 13 d'uost naven dallas 17.00 envida Rabius anavon tier ina sentupada cun grillada sin il plaz scola. En cass da malaure vegn la sentupada spustada sils 3 da settember.

Gia oz selegra la suprastonza da Rabius anavon sin ina biala sentupada cun Vus tuts.

Per Rabius anavon, la suprastonza

Apparat d'udida

Gliendisdis, ils 20 da zercladur 2022, saveis Vus schar schubergiar e rugalar Vies apparat d'udida:

9.15 – 10.30 en Casa sogn Martin a Trun

11.00 – 11.45 en Casa sogn Giusep a Cumpadials

13.15 – 14.30 el Puntreis, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamain quei survetsch gratuit per tuts interessents.

Ei drova negina annunzia.

Uniun da pescadurs Sumvitg

Dumengia, ils 26-6-2022

L'Uniun da pescadurs Sumvitg envida cordialmein alla pesca comunabla 2022 sil Lag da Laus, cun messa sper il lag allas 11.00 e silsunter restauraziun.

Sin in bien seveser.